

本國學基
叢書
長江集
附詩
仙閩



書叢本基學國

集 江 長

詩 仙 閩 附

著 島 賈



行發館書印務商

長江集目錄

卷一

古意

北岳廟

哭盧仝

口號

齋中

翫月

和朱評事義雀行

辯士

絕句

遊仙

易水懷古

望山

朝飢

劍客

一作述劍

寄遠

感秋

辭二知己

宿懸泉驛

不欺

寓興

枕上吟

早起

雙魚謠

延壽里精舍寓居

送沈秀才下第東歸

冬日長安雨中見終南雪

卷二

寄孟協律

明月山懷獨孤崇魚琢

詠韓氏二字

攜新文詣張籍韓愈途中成

重酬姚少府

代邊將

寄邱儒

送張按書季霞

答王參

客喜

贈智朗上人

酬棲上人

和劉涵

投張太祝

送別

上谷送客遊江湖

投孟郊

寄劉栖楚

送陳商

寄友人

延康吟

戲贈友人

懷鄭從志

送鄭山人遊江湖

劉景陽東齋

送集文上人遊方

遊子

送汲鵬

卷三

寄令狐相公一作赴長安道中

山中道士

旅遊

題皇甫荀藍田廳

下第一本有別字二人

憶吳處士

寓興

易州登龍興寺樓望郡北高峰

就峰公宿

對菊

題岍上人郡內閒居

寄山中王參

哭柏巖禪師

就可公宿

送鄒明府遊靈武

贈王將軍

寄賀蘭朋吉

哭孟郊

送崔定

雨後宿劉司馬池L

送田卓入華山

酬姚少府

送李騎曹一作曹

送覺興上人歸中條山兼謁河中李司空

南池

送真空二上人

丹陽一作景道精舍南臺對月寄姚合

黃子陂上韓吏部

投李益

送人適越

送路一本有某從軍三字

江亭晚望

寄白閣默公

送朱可久歸越中

送董正字常州觀省

送無可上人

送烏行中一本有選字石淙一作礫別業

寄無可上人

寄龍池寺真空二上人

送裴校書

卽事

天津橋南山中各題一旬

弔孟協律

送僧遊衡岳

洛陽道中寄弟

送耿處士

卷四

過唐按書書齋

送杜秀才東遊

送天台僧

懷紫閣隱者

雨夜同厲元懷皇甫荀

秋暮

哭胡遇

送丹師歸閩中

送安南惟鑒法師

題李凝幽居

送韓湘

寄董武

宿贛上人房

訪李甘原居

題山寺井

僻居無可上人相訪

送李餘及第歸蜀

荒齋

夜喜賀蘭三見訪

題青龍寺鏡公房

送陳判官赴天一作綏德

送唐環歸敷水莊

原東居喜唐溫琪頻至

送歎法師

寄錢庶子

原上秋居

夏夜

送厲宗上人

贈無懷禪師

題劉華書齋

送南康姚明府

雨中懷友

南齋

卷五

送雍陶入蜀

答王建秘書一本無建字

偶作

寄顧非熊

送慈恩寺霄韻法師謁太原李司空

送惠雅法師歸玉泉

冬夜

寄李存穆

寄武功姚主簿

送盧秀才遊潞府

送友人棄官遊江左

寄遠

早春題友人湖上新居二首一作項斯詩

張郎中過原東居

送李餘往湖南

過雍秀才居

送神邈法師

送知輿上人

憶江上吳處士

題章一作張博士新居

送朱兵曹迴越

夕思

孟融逸人

宿池上

送鄭史一作送鄭長史之嶺南

永福湖和楊鄭州

泥陽館

送賀蘭上人

寄滄州李尙書

崇聖寺彬公房

別徐明甫一作府

送友人入遊一作蜀

子規一作項斯詩

石門陂留辭從叔蕃一作石

懷博陵故人

寄河中楊少尹

晚晴見終南諸峰

喜姚郎中自杭州迴

送李溟謁宥州李權使君

題長江一本有廳字

送徐員外赴河中

寄一作送令狐相公

逢舊識

送李傅侍郎一作御劍南行營

歧下送友人歸襄陽

送鄭少府

送僧歸天台

卷六

讓札曹上樂使君

送雍陶及第歸成都甯親一作觀

送金州鑒周上人

新年

送僧

寄山友一作中長孫栖霞

送劉式洛中觀省

贈紹明上人

送宣皎上人遊太白

送殷侍御赴同州

秋夜仰懷錢孟二公琴客會

酬姚合一本無合字按書

病蟬

贈友人

謝令狐相公賜衣九事

送譚遠上人

送姚杭州

夜集田卿宅

酬厲元

送空公往金州

贈宏泉上人

病起

送沈鶴

贈李金州

送獨孤馬二秀才居明月山讀書

門里作

盧秀才南臺

寄令狐相公

積雪

贈僧

思遊邊友人

寄令狐相公

宿姚少府北齋

卷七

送崔嶠遊瀟湘

馬戴居華山因寄

送李戎扶侍往壽安

寄華山僧

易州過郝逸人居

淨業寺與

一本有前鄂縣三字

李廓少府同宿

寄李勣侍御一作

再投李益常侍

過楊一作道士居

送友人遊塞

秋暮寄友人

和孟逸人林下道情

雪晴晚望

寄朱錫珪

寄胡遇

送孫逸人

送李登少府

酬鄂縣李廓少府見寄

送南卓歸京

臥病走筆酬韓愈書問

送惟一遊清涼寺

寄喬侍郎

送蔡京

題朱慶餘所居

贈胡禪師

重與彭兵曹

落第東歸逢僧伯陽

宿成湘林下

酬胡遇

送褚山人歸日東一作本

雨夜寄馬戴

寄毘陵微公

寄劉侍御

長孫霞李溟自紫閣白閣二峰見訪

鄭尚書新開涪江二首

送去華法師

慈恩寺上座院

送黃知一作和新歸安南

元日女道士受籙

贈莊上人

皇甫主簿期遊山不及赴

喜雍陶至

宿慈恩寺郁公房

寄韓湘

喜無可上人遊山回

送韋瓊校書

卷八

送穆少府知眉州

二月晦日留別鄴一作中友人

送李拔書赴吉期

宿孤館

哭宗密禪師

宿山寺

送友人如邊

題竹谷上人院

京兆原作

寄江上人

送僧歸太白山

暮過山邨

鷺鷥

內道場僧宏紹

蔣亭和蔡湘川

光州王建使君水亭作

留別王光州一本作留別光州之使君建

宿姚合宅寄張司業一本無籍字

哭張籍

靈準上人院

寄柳舍人宗元一本無宗元二字

送元巖上人歸西蜀

寄宋州田中丞

送朱休歸劍南

寄長武朱尚書

送皇甫侍御

郊居卽事

喜李餘白蜀至

送康秀才

送一作寄魏少府

登樓

昆明池汎舟

送劉知新往襄陽

卷九

送饒州張使君

巴興作

投元郎中

滕按書使院小池一本無上三字

上谷旋夜

崔卿池上雙白鷺

夜集姚合宅期可公不至

王侍御南原莊

送僧

原居卽事言懷贈孫員外

上樂使君救康成公一作陳陶繼古詩

送僧

寄慈恩寺郁上人

觀冬設上東川楊尙書

早蟬

阮籍嘯臺

送陝府王一本有建字司馬

寄無得頭陀

送胡道士

寄韓潮州愈

逢博陵故人彭兵曹

送子中丞使回紇册立

贈圓上人

酬慈恩寺文郁上人

夜坐

聞蟬感懷

送于總持歸京

田中丞高亭

酬朱侍御望月見寄

和韓吏部汎南溪

酬姚合

贈邱先生

夜期嘯客不至一作期呂逸人不至一作夜期嘯客呂逸人不至

酬張籍王建

贈牛劉一作山人

送劉侍御重使江西

處州李使君改任遂州因寄贈

訪鑒元師姪

送別

夏夜上谷宿開元寺

崔卿池上鶴

友人婚楊氏催裝

題韋雲叟草堂

方鏡

送靈應上人

渡桑乾

夜集烏行中所居

贈梁浦秀才斑竹拄杖

卷十

早秋寄題天竺靈隱寺

送崔約秀才

夏日寄高洗馬

送羅少府歸牛渚

贈溫觀主

賀龐少尹除太常少卿

病鶴吟

贈一本有某字翰林

田將軍書院

夏夜登南樓

贈李文遠

送僧

尋石璽寺上方

黎陽寄姚合

詠懷

送周判官元範赴越

題童真人

上邪甯刑司徒

欲遊嵩岳留別李少尹益

贈僧

頌德上賈常侍

投龐少尹

題青龍寺

題虢州三堂贈吳郎中一作題虢州吳郎中三堂

三月晦日贈劉評事

送張道者

宿村家亭子一作宿杜司空東亭
一作題杜司戶亭子

楊祕書新居

經蘇秦墓

題隱者居

過京索先生墳

鹽池院觀鹿

閩仙詩附

黃鵠下太液池

老將

題鄭常侍廳前竹

送人南歸

送道者

清明日園林寄友人

題魚尊師院

送稱上人

聽樂山人彈易水

題戴勝

哭孟東野

客思

代舊將

春行

早行

送人南遊

風蟬

上杜駙馬

蓮峰歌

題興化園亭

李斯井

送友人之南陵

尋隱者不遇一作孫革訪
羊尊師詩

馬嵬

壯士吟

竹

題詩後鳥吟成獨行潭底影數息
樹邊身二句下註此一絕

尋人不遇一作
寄人

行次漢上

冬夜送人

長江集卷一

唐 范陽 賈島著

古意

碌碌復碌碌。百年雙轉轂。志士中一作終。夜心良馬白日足。俱爲不等閒。誰是知音者。一作者。目中兩行淚。曾弔三獻玉。一作別來兩淚盡。誰向荆山哭。

望山

南山三十里。不見踰一旬。冒雨時立望。望之如朋親。虬龍一劍波。洗蕩千萬春。日日雨不斷。愁殺望山人。天事不可長。勁風來如奔。陰霾一作覆。一以埽。浩翠寫國門。長安百萬家。家家張屏新。誰家最好山。我願爲其鄰。

北岳廟

天地有五岳。恆岳居其北。巖巒疊萬山。詭怪浩難測。人來不敢入。祠宇白日黑。有時起霖雨。一灑天地德。神兮安在哉。永康我王國。

朝飢

市中有樵山。北一作此。舍朝無煙。井底有甘泉。釜中乃空然。我要見白日。雪來塞青天。坐一作立。聞西牀琴。凍

折兩三絃。飢莫詣他們。古人有拙言。

哭盧仝

賢人無官死。不親者亦悲。空令古鬼哭。更得新鄰比。平生四十年。惟著白布衣。天子未辟召。地府誰來追。長安有交友。託孤遽棄移。一作遺。冢側誌石短。文字行參差。無錢買松栽。自生蒿草枝。在日贈我文。淚流把讀時。從茲加敬重。深藏恐失遺。

劍客一作述劍

十年磨一劍。霜刃未曾試。今日把君。一作示。君誰為。一作有。不平事。

口號

中夜勿自起。汲此百尺泉。林木含白露。星斗在青天。

寄遠

別腸多鬱紆。豈能肥肌膚。始知相結密。不及一作若。相結疏。疏別恨應少。密離一作別。恨難祛。門前南流去。一作水。中有北飛魚。魚飛向北海。可以寄遠書。一本無此句。多此情復何如。欲不惜寄遠書。故人今在無。一作華山遙望齊平燕。況此數尺身。阻彼萬里途。自非日月光。難以知子軀。

齋中

耽靜非謬一作爲本性實疏索。齋中一就枕。不覺白日落。低扉礙軒轡。寡德謝接一作然。諾。叢菊在牆陰。秋窮未開萼。所餐一作類病馬。動影侶移岳。欲駐迫逃衰。豈殊辭綆縛。已見飽時雨。應豐蔬與藥。

感秋

商氣颯已來。歲華又虛擲。朝雲藏奇峰。暮雨灑疏滴。幾蜩嘿一作涼葉。數蛩思陰壁。落日空館中。歸心遠山碧。昔人多秋感。今人何異昔。四序馳百年。玄髮坐成白。喧喧徇聲利。擾擾同轍迹。儻無世上懷。去偃松下石。

翫月

寒月破東北。賈生立西南。西南立倚何。立倚青衫杉。近月有數星。星名未詳諳。但愛杉倚月。我倚杉爲三。月乃不上杉。上杉難相參。胎暎子細視。睛瞳桂枝剗。日常有熱疾。久視無煩炎。以手捫衣裳。零露已濡沾。久立雙足凍。時向股脰淹。立久病足拆。兀然齷膠黏。他人應已睡。轉喜此景恬。此景亦胡及。而我苦淫耽。無異市井人。見金不知廉。不知此夜中。幾人同無厭。待得上頂一作看。未擬歸枕函。強步望寢齋。步步情不堪。步到竹叢西。東望如隔簾。卻坐竹叢外。清思刮幽潛。量知愛月入。身願化爲蟾。

辭二知己

一雙千歲鶴。立別孤翔鴻。波鳥忽已暮。梅雨寒濛濛。離人聞美彈。亦與哀彈同。況茲切切弄。繞彼行行躬。

雲飛北岳碧。火息西山紅。何以代遠誠。拆芳臘雪中。

和朱評事義雀行

元鳥雌雄俱。春雷驚蟄餘。口銜黃河泥。一作去空。即翔天隅。一夕皆莫歸。曉曉遺衆雛。雙雀抱仁義。哺食勞

劬。一作忘勞劬雛既邇池。一作衆飛雲間聲相呼。驚感雀深恩。雀媿揚不殊。一作燕雀雖微類。感媿誠不殊。禽賢難自彰。幸得

主人書。

宿懸泉驛

曉行瀝水樓。暮到懸泉驛。林月值雲遮。山鏡照愁寂。

辯士

辯士多毀譽。不聞譚己非。猛虎恣殺暴。未嘗嚙妻兒。此理天所感。一作惑所感一作惑當問誰。求食飼雛禽。吐

出美言辭。善哉君子人。揚光揜瑕玼。

不欺

上不欺星辰。下不欺鬼神。知心兩如此。然後何所陳。食魚味在鮮。食蓼味在辛。掘井須到流。結交須到頭。

此語誠不謬。敵君三萬秋。

絕句

海底有明月，圓於天上輪。得之一寸光，可買千里春。

寓興

莫居暗室中，開目閉目同。莫趨碧霄路，容飛不容步。暗室未可居，碧霄未可趨。勸君跨仙竹，一作日下雲爲衢。

遊仙

借得孤鶴騎，高近金烏飛。翔河洗老一作兒，照月生光輝。天中鶴路直，天盡鶴一息。歸來不騎鶴，身自有羽翼。若人無仙骨，芝朮無一作徒。

枕上吟

夜長憶白日，枕上吟千詩。何當苦寒氣，忽被東風吹。凍開魚龍別，天波殊路歧。

易水懷古

荆卿重虛死，節烈書前史。我歎方寸心，誰論一時事。至今易水橋，寒風兮蕭蕭。易水流得盡，荆卿名不消。一作凋淚與盡韻。

早起

北客入西京，一作北雁再離北。秋寢獨前輿，天棧星落織。耽翫餘恬爽，顧盼輕疴力。旅途少顏盡，明鏡勸

仙食出門路縱橫。張家路最直。昨夜夢見書。張家廳上壁。

雙魚謠時韓職方書中以孟嘗州簡詩見示。

天河墮雙魴。飛來我。庭中央。掌握尺餘雪。劈開腸有瑣。見令讒舌短。烹遶鄰舍香。一得古詩字。與玉含

異藏。雙魚謠。全唐詩及各本。皆在易水懷古早起二首前。

客喜

客喜非實喜。客悲非實悲。百迴信到家。未嘗身一歸。未歸常嗟愁。嗟愁填中懷。開口吐愁聲。還卻入耳來。常恐滴淚一作多。自損兩目輝。鬢邊雖有絲。不堪織寒衣。

延壽里精舍寓居

旅託避華館。荒棲遂愚慵。短庭無繁植。珍果春亦濃。側廬廢一作發。扃樞。織魄時臥逢。耳目乃鄺井。肺肝卽巖峰。汲泉飲酌餘。見我閒靜容。霜蹊猶舒英。寒蜨斷來蹤。雙履與誰逐。一作欲。尋青瘦筇。

贈智朗上人

上人分明見。玉兔潭底沒。上人光慘貌。古來恨峭發。涕辭孔顏廟。笑訪禪寂室。步隨青山影。坐學白塔骨。解聽無弄琴。不禮有身佛。欲問師何之。忽與我相別。率賦贈遠言。言慙非子曰。

送沈秀才下第東歸

曲言惡者誰。悅耳如彈絲。直言好者誰。刺耳如長錐。沈生才俊秀。心腸無邪欺。君子忌苟合。擇交如求師。毀出嫉夫口。騰入禮部闈。下第子不恥。遺才人恥之。東歸家室遠。掉轡時參差。瀾雲近吳見。汴柳接楚垂。明年春光別。迴首不復疑。

酬棲上人

夜久城館閒。情幽出一作在山。新月有微輝。亦一作朗空庭閒。處世雖一作識機。伊余多揜關。松姿度臘見。籬藥知春還。靜覽冰雪詞。厚爲酬贈顏。東林有躑躅。脫屣期共攀。

冬日長安雨中見終南雪

秋節新已盡。雨一作疏露山雪。西峰稍覺明。殘滴猶未絕。氣侵瀑布冰。一作凍著白雲穴。今朝灞滻雁。何夕瀟湘月。想彼石房人。對雪扉不閉。必結切

長江集卷二

寄孟協律

我有弔古泣。不泣向路歧。揮淚灑暮天。滴著一作每滴桂樹枝。別後冬節至。離心北風吹。坐孤雪扉夕。一作久泉
落石橋時。不驚猛虎嘯。難辱君子詞。欲酬空覺老。無以堪遠持。岩臺倚角牕。一作聽角王屋懸清思。

和劉涵

京官始云滿。野人依舊閒。閉戶一畝居。中有古風還。市井日已午。幽牕夢南山。喬木覆北齋。有鳥鳴其間。
前日遠岳僧。來時與開關。新題驚我瘦。窺鏡見醜顏。陶情昔清淡。此意復一作共誰一作攀。

明月山懷獨孤崇魚琢

明月長在目。明月長在心。在心復在目。何得稀去尋。試望明月人。孟夏樹蔽岑。想彼歎此懷。樂喧忘幽林。
一作森鄉本北岳外。一作悔恨東夷深。願縮地脈還。豈待天恩臨。非不渴隱秀。卻嫌他事侵。或云岳樓鐘。來
繞草堂吟。當從令尹後。再往步柏林。

投張太祝

風骨高更老。河湟初陽葩。泠泠月下韻。一一落海涯。有子不敢和。一聽千歎嗟。身眠一作臥東北泥。魂挂西

南霞手把一枝栗。往輕覺程賒。水天朔方色。暖日崧根花。達一作遠。閒幽棲山。遣尋種藥家。欲買雙瓊瑤。慙無一木瓜。

詠韓氏二云

千巖一尺壁。八月十五日。一作夕。清露墮桂花。白鳥舞虛碧。

送別

丈夫未得志。一作意。行行且低眉。素琴彈復彈。會有知音知。

攜新文詣張籍韓愈途中成

袖有新成詩。欲見張韓老。青竹未生翼。一步萬里道。仰望青冥天。雲雪壓我腦。失卻終南山。惆悵滿懷抱。安得西北風。身願變蓬草。地祇聞此語。突出驚我到。

上谷送客遊江湖

莫歎迢遞分。何殊咫尺別。江樓到夜登。還見南臺月。

重酬姚少府

隙月斜枕傍。諷詠夏詒什。如今何時節。蟲虺亦已蟄。答遲禮涉傲。抱疾思加澀。僕本胡爲者。銜肩貢客集。茫然九州內。譬如一錐立。欺暗少此懷。自明曾瀝泣。量無趨勇士。誠欲戈矛戢。原閣期躋攀。潭舫偶俱入。

深齋竹木合。一作多。畢夕風雨急。俸利沐均分。價稱煩嘯喻。百篇見刪罷。一命嗟未及。滄浪愚將還。知音激所習。

投孟郊

月中有孤芳。天下聆薰風。江南有高唱。海北初來通。容飄清冷餘。自蘊襟抱中。止息乃流溢。推尋卻冥蒙。我知雪山子。渴一作調。彼偈句空。畢竟獲所實。爾焉遂深衷。錄之孤鏡前。猶恨百首終。一吟動狂機。萬疾辭頑躬。生平面未交。永夕夢輒同。敘一作詩。誰君師。詎言無吾宗。余求履其迹。君曰可但攻。啜波腸未一作易。飽。掛險神難從。前歲曾入洛。差池阻從龍。萍家復從一作徒。趙雲思長縈。崧一作榮。海剗一作嵩。每可詣。長途追難窮。願傾肺腸事。盡入焦梧桐。

代邊將

持戈簇邊日。戰罷浮雲收。露草泣寒霽。夜泉鳴隴頭。三尺握中鐵。氣衝星斗牛。報國不拘貴。憤將平虜讎。

寄劉栖楚

趨走與偃臥。去就自殊分。當牕一重樹。上有萬里雲。雖披不相顧。彷彿類人羣。友生去更遠。來書絕如焚。蟬吟我爲聽。我歌蟬豈聞。歲暮儻旋歸。晤言桂氛氲。

寄邱儒

地近輕數見。地遠重一面。一面如何重。重甚珍寶片。自經失歡笑。幾度騰霜霰。此心鎮懸懸。天象因一作同。迴轉。長安秋風高。子在東甸縣。儀形信寂蔑。風雨豈乖間。憑人報消息。何易憑筆祝。俱不盡我心。終須對君宴。

送陳商

古道長荆棘。新歧路交橫。君於荒榛中。尋得古轍行。足踏聖人路。貌端禪士形。我曾接夜談。似聽講一經。聯翩會數舉。昨登高第名。釜底絕煙火。曉行皇帝京。上客遠府遊。主人須目一作月。明青雲別青山。何日復可一作同。升。

送張按書季霞

從京去容州。馬在舡一作船。上多一作餘。容州幾千里。直傍青天涯。掌記試按書。未稱高詞華。義往一作枉。不可屈。出家如入家。城市七月初。熱與夏未差。餞君到野地。秋涼滿山坡一作坵。南境異北候。風起無塵沙。秦吟宿楚澤。酒海落桂花。暫醉即還醒。彼土生桂茶。

寄友人

同人半年別。一別寂來音。賴有別時文。相思時一吟。我常倦投迹。君亦知此衿。筆硯且勿棄。蘇張會陸沈。但存舌在口。當冀身遂心。君看明月夜。松桂寒森森。

答王參

寸晷不相待。四時互一作去。如競。客思先覺秋。蟲聲苦知暝。霜松積舊翠。露月圓一作。如鏡。詩負屬景同。琴孤坐堂聽。相期黃菊節。別約紅桃徑。每把式微篇。臨風長一詠。

延康吟

寄居延壽里。為與延康鄰。不愛延康里。愛此里中人。人非十年故。人非九族親。人有不朽語。得之煙山春。

戲贈友人

一日不作詩。心源如廢井。筆硯為轆轤。吟詠作麤一作。縵。朝來重汲引。依舊得清冷。書贈同懷人。詞中多苦辛。

寓興

真集道方至。貌殊妒還多。山泉入城池。自然生渾波。今時出古言。在衆翻為訛。有琴含正韻。知音者如何。一生足感激。世一作言。忽差義。不得市井味。思嚮一作。吾巖阿。浮華豈我事。日月徒蹉跎。曠哉潁陽風。千載無其他。

懷鄭從志

西風吹陰雪。一作。雨雪半夜收。忽憶天涯人。起看斗與牛。故人別二年。我意如百秋。音信兩杳杳。誰云昔

網繆。平明一封書。寄來一作向東北州。一作舟翩翩春歸鳥。會自爲匹儔。

易州登龍興寺樓望郡北高峰

郡北最高峰。巉巖絕雲路。朝來上樓望。稍覺得幽趣。朦朧碧煙裏。羣嶺若相附。何時一登陟。萬物皆下願。

送鄭山人遊江湖

南遊衡岳上。東往天台裏。足躡華頂峰。一作峰頂目觀滄海水。

就峰公宿

河出鳥宿後。螢火白露中。上人坐不倚。共我論量空。殘月華曖曖。遠水響玲瓏。爾時無了夢。一作寤茲宵方未窮。

劉景陽東齋

松陰連竹影。中有蕪苔井。清風此地多。白日空自永。景陽公幹孫。詩句得真景。勸我不須歸。月出東齋靜。

對菊

九日不出門。十日見黃菊。灼灼尙繁英。美人無消息。

送集文上人遊方

來從道陵井。雙木一作去求溪邊會。分首芳草時。遠意青天外。此遊詣幾岳。嵩華衡恆泰。

題所上人郡內閒居

靜向方寸求。不居千^{一作山}嶂幽。池開菡萏香。門閉莓苔秋。金玉重四句。糝糠輕九流。鑪煙上喬木。鐘磬下危樓。手種一株松。真心與師儔。

遊子

遊子喜鄉遠。非吾憶歸廬。誰知奔他山。自欲早旋車。朝賞暮已足。圖歸願無餘。當期附鵬翼。未偶方躊躇。寄山中王參

我看岳西雲。君看岳北月。長懷燕城南。相送十^{一作千}里別。別來千餘日。日日憶不歇。遠寄一紙書。數字論白髮。

送汲鵬

淮南臥理後。復逢君姓汲。文彩非常。志願期卓立。深江東汎舟。夕陽眺原隰。夏夜言詩會。往往追不及。

長江集卷三

寄令狐相公一作赴長安道中

東杖一作馬馳山驛逢人問梓州長江那可日一作到行客替生愁

哭柏巖禪師

苔覆石牀新師曾占一作晉師去幾春寫留行道影焚卻坐禪身塔院關松雪一作路經房鏤隙塵自嫌雙淚下

不是解空人

山中道士

頭髮梳千下休糧帶瘦容養雛成大老一作鶴種子作高松白石通宵煮寒泉盡日春不會離隱處那得世

人逢

就可公宿

十里尋幽寺寒流數派分僧同雪夜坐雁向草堂聞靜語終鐙焰餘生許嶠雲由來多抱疾聲不達明君

旅遊

此心非一事書札若為傳舊國別多日故人無少年空巢霜葉落疏牖水螢穿留得林僧宿中宵坐嘿然

送鄒明府遊靈武

曾宰西畿縣。三年馬不肥。債多平一作憑。劍與官滿載。書歸邊雪藏。行徑林風透。臥衣靈州聽。曉角客館未開扉。

題皇甫荀藍田廳

任官經一年。縣與玉峰連。竹籠拾山果。瓦瓶擔石泉。客歸秋雨後。印鑲暮鐘前。久別丹陽浦。時時夢釣船。

贈王將軍

宿衛爐煙近。除書墨未乾。馬曾金鏃中。身有寶刀瘢。父子同時捷。君王畫陣看。何當爲外帥。白日出長安。

下第一本有有別

下第只一作惟空囊。一作毛蒼如何住一作回懸帝一作杏園。嘯百舌。誰醉在花傍。一作驚聲寒食後。人醉曲江傍。淚落故出遠。病來春草長。知音逢一作酬豈易。一作易周孤擢負一作復三湘。

寄賀蘭朋吉

往往東林下。花香偈火焚。故園從小別。夜雨近秋聞。野菜連寒水。枯株簇古墳。汎舟同遠客。尋寺入幽雲。斜日扉多揜。荒田徑細分。相思蟬幾處。偶坐螻成羣。會宿曾論道。登高省議文。苦吟遙可想。邊葉正一作向紛紛。

憶吳處士

半夜長安雨。鐙前越客吟。孤舟行一月。萬水與千岑。島嶼夏雲起。汀洲芳草深。一作何當折秋葉。拂石刻溪陰。

哭孟郊

身死一作沒。聲名在多應。萬古傳寡妻。無子息。破宅帶林泉。塚近登山道。詩隨過海船。故人相弔後。斜日下寒天。

送崔定

未知遊子意。何不避炎蒸。幾日到漢水。新蟬鳴杜陵。秋江待得月。夜語一作恨無僧。巴峽吟過否。連天十層。

寄白閣默公

已知歸白閣。山遠晚一作曉。晴看石室人心靜。冰潭月影殘。微雲分片滅。古木落薪乾。一作後夜一作誰聞一作風飄。聲。西峰絕頂寒。

雨後宿劉司馬池上

藍溪秋漱玉。此地漲清激。蘆葦聲兼雨。芰荷香遶鐙。岫頭秦古道。亭面漢荒陵。靜想泉根本。幽崖落幾層。

送朱可久歸越中

石頭城下泊。北固暝鐘初。汀鷺潮衝一作起。舟一作船。牕月過一作過月。虛。吳山侵越衆。隋柳入唐疏。日欲躬調膳。辟來何府書。

送田卓入華山

幽深足一作入。暮蟬驚覺石牀眠。瀑布五千仞。草堂瀑布邊。壇松涓滴露。岳月沈寥天。鶴過君須看。上頭應有仙。

送董正字常州覲省

相逐一行鴻。何時出磧中。江流翻白浪。木葉落青楓。輕楫浮吳國。繁霜下楚空。春來歡侍阻。正字在東宮。
酬姚少府

梅一作梅。樹與山木俱。應搖落初。柴門掩寒雨。蟲響出秋蔬。枯槁彰清鏡。孱愚友道書。刊文非不朽。君子自相於。

送無可上人

圭峰霽色新。送此草堂人。麈尾同離寺。蛩鳴暫別親。一作案。獨行潭底影。數息樹邊身。終有煙霞約。天台作近鄰。

送李騎曹一作曹

歸騎雙旌遠。懽生此別中。蕭關分磧路。嘶馬背寒鴻。朔色青天北。河源落日東。賀蘭山頂草。時動卷帆風。

送烏行中一本有還字。石淙一作別業。

寒水長繩汲。丁冷數滴翻。草通石淙脈。硯帶海潮痕。岳色何曾遠。蟬聲尚未繁。勞思當此夕。苗稼在西原。

送覺興上人歸中條山兼謁河中李司空

又憶西巖寺。秦原草白時。山尋樵逕上。人到雪房遲。暮聲一作聲潭泉凍。荒林野燒一作火移。聞師新譯偈。說

擬對旌麾。

寄無可上人

僻寺多高樹。涼天憶重遊。磬過溝水盡。月入草堂秋。穴蟻苔痕靜。藏蟬柏葉稠。名山思徧往。早晚到崧邱。

南池

蕭條微雨絕。荒岬抱清源。入舫山侵塞。分泉稻一作道接邨。秋聲依樹色。月影在蒲根。淹泊方難遂。他宵關

夢魂。

寄龍池寺真空二上人

受請終南住。俱妨去石橋。林中秋信絕。峰頂夜禪遙。寒草煙藏虎。高松月照鵑。霜天期到寺。寺置卽前朝。

送貞空二上人

林下中餐後。天涯欲去時。衡陽過有伴。夢澤出應遲。石磬疏寒韻。銅餅結夜漸。殷勤訝此別。且未定歸期。
送裴按書

拜官從祕省。署職在藩維。多故長疏索。高秋遠別離。天寒泗上醉。夜靜岳陽碁。使府臨南海。帆飛到不遲。
丹陽昇道。精舍南臺對月寄姚合

月向南臺見。秋霖洗滌餘。出逢危葉落。靜益一作看。衆峰疏。冷露尋一作常。時有禪牕此夜虛。相思聊悵望。潤氣徧衣初。一作禱。

卽事

索莫對寒孤。一作鑿。陰雲積幾層。自嗟鄰一作隣。十上誰肯待三徵。心被通人見。文叨大匠稱。悲秋秦塞草。懷古漢家陵。城靜高崖燒。漏多幽沼冰。過聲沙鳥鷺。絕行石庵僧。豈爲一作謂。舊廬在。誰言歸未曾。

黃子陂上韓吏部

石樓云一作雲。一別二十三春。相逐升一作至者。幾爲埋骨人。流涕聞渡一作染。瘴病起賀一作喜。還秦。曾是令一作勤道。非惟卹在迤。疏才蕉縷細。爽味茗芽新。鐘絕滴殘雨。螢多無近鄰。溪潭承到數。位秩見辭頻。若箇

山招中。隱機忘任此身。

天津橋南山中各題一句

野坐分苔石

李益

山行遶菊叢

韋執中

雲衣惹不破

諸葛

秋色望來空

賈浪仙

投李益

四十歸燕字

十一作

年外始吟已將書北岳不用比南金

弔孟協律

才行古人齊生前品位低葬時貧賣馬遠遊一作日哭惟妻孤冢北邙外空齋中岳西集詩應萬首物象徧曾題

送人適越

高城滿夕陽何事欲沾裳遷客蓬蒿暮遊人道路長晴湖勝鏡碧寒柳似金黃若有相思夢殷勤載八行

送僧遊衡岳

心知衡岳路不怕去人稀船裏猶鳴磬溪頭自瀑衣有家從小別無寺不言歸料得逢寒住當禪雪滿扉

送路軍一本有某從三字

別我就蓬蒿日斜飛伯勞龍門流水急崧岳片雲高歎命無知己梳頭落白毛從軍當此去風起廣陵濤

洛陽道中寄弟

長江集卷三 二二

趨走逼流年。慙經此路一作地。偏密雲埋二室。積雪度三川。生類梗萍汎。悲無金石堅。翻鴻有歸翼。極目仰聯翩。

江亭晚望

浩渺浸雲根。煙嵐沒遠邨。鳥歸沙有迹。帆過浪無痕。望水知柔性。看山欲倦魂。縱情猶未已。迴馬欲黃昏。

送耿處士

一餅離別酒。未盡卽言行。萬水千山路。孤舟幾月程。川原秋色靜。蘆葦晚風鳴。迢遞不歸客。人傳虛隱名。

長江集卷四

過唐拔書齋

地滿風吹竹。時時得爽神。聲齊雞鳥語。畫卷老僧真。月出行幾步。花開到四鄰。江湖心自切。未可挂頭巾。

送杜秀才東遊

東遊誰見待。盡室寄長安。別後一作夜。葉頻落。去程一作登途。山已寒。大河風色渡。曠野燒煙殘。匣有青銅鏡。時將照鬢看。

送天台僧

遠夢歸華頂。扁舟背岳陽。寒蔬修淨食。夜浪動禪牀。雁過孤峰曉。一作晚。猿嘯一樹霜。身心無別念。餘習在詩文。一作章。

懷紫閣隱者

寂寥思隱者。孤獨坐秋霖。梨栗猿喜熟。雲山僧說深。寄書應不到。結伴擬同尋。廢寢方終夕。迢迢一作沈沈紫閣心。

兩夜同厲元懷皇甫荀

桐竹遶庭市。雨多風更吹。還如舊山夜。臥聽瀑泉時。磧雁來期近。秋鐘到夢遲。溝西吟苦客。中夕話兼思。

秋暮

北門楊柳葉。不覺已繽紛。值鶴因臨水。迎僧忽背雲。白鬢相竝出。一作清。淚兩行分。默默空朝夕。苦吟誰

喜聞。

哭胡遇

天壽知齊理。何曾免歎嗟。祭迴一作葬時。收朔雪。弔後一作罷。折寒花。野水吟秋一作吟。斷空山影暮。一作暮影。斜弟兄

相識徧。猶得到一作見。君家。

送丹師歸闕中

波濤路杳然。衰柳洛陽蟬。行李經雷電。禪前漱島泉。歸林久別寺。過越未離船。自說從今去。身應老海邊。

送安南惟鑒法師

講經春殿裏。花遶御牀飛。南海幾迴過。舊山臨老歸。潮搖蠻草落。月濕島松微。一作觸風香損印。沿雨馨生衣。空水既如

彼。一作雲水。路迢遞。往來消息稀。

題李凝幽居

閒居少鄰竝。草逕入荒園。鳥宿池邊一作中。樹僧敲月下門。過橋分野色。移石動雲根。暫去還來此。幽期不

負言

送韓湘

挂席從中一作古路長風起廣津。楚城花未發。上苑蝶來新。半沒湖波月。初生島草春。孤霞臨石鏡。極浦映
邛神。細響吟乾葦。餘響動遠蘋。欲憑將一札。寄與沃州人。

寄董武

雖同一城裏。少省得從容。門揜園林僻。日高巾幘慵。孤鴻來半夜。積雪在諸峰。正憶毘陵客。聲聲隔水鐘。

宿贛上人房

塔前多是竹。閒地擬栽松。朱點草書疏。雪平麻履踪。御溝寒夜雨。宮寺靜時鐘。此室一作時無他事。來尋一作多不厭重。

訪李甘原居

原西居處靜。門對曲江開。石縫銜枯草。查根上淨一作漬古苔。翠微泉夜落。紫閣鳥時來。仍憶尋淇峴。同行采
蕨迴。

題山寺井

沈沈百尺餘。功就豈斯須。汲早僧出定。鑿新蟲自無。藏源重嶂底。激翳太空隅。此地如經劫。涼潭會共枯。

僻居無可上人相訪

自從居此地，少有事相關。積雨荒鄰圃，秋池照遠山。硯中枯葉落，枕上斷雲閒。野客將禪子，依依偏往還。

送李餘及第歸蜀

知音伸久屈，覲省去光輝。津濟一作渡逢清夜，途程盡翠微。雲當綿竹壘，鳥離錦江飛。肯寄書來否，原居出甚亦一作稀。

荒齋

草合逕微微，終南對掩扉。晚涼疏雨絕，初曉遠山一作稀。落葉無青地，閒身著白衣。朴愚猶一作本性，不是學忘機。

夜喜賀蘭三見訪

漏鐘仍夜淺，時節欲秋分。泉聒棲松鶴，風除翳月雲。踏苔行引興，枕石臥論文。卽此尋常靜，來多祗是君。

題青龍寺鏡公房

一夕曾留宿，終南搖落時。孤鐙一作舍揜，殘磬雪風吹。樹老因寒折，泉深出井遲。疏慵豈有事，多失上方期。

送陳判官赴天一作德

將軍邀入幕。東帶便離家。身暖蕉衣窄。天寒磧日斜。火燒岡斷草。一作草風卷雪和平。一作平沙絲竹豐州有。春來秣欠花。

送唐環歸敷水莊

毛女峰當戶。日高頭未梳。地侵山影埽。葉帶露痕書。松逕僧尋廟。一作廟沙泉鶴見魚。一川風景好。一作人境別恨不有吾廬。

原東居喜唐溫琪頻至

曲江春草生。紫閣雪分明。汲井嘗泉味。聽鐘問寺名。墨研秋日雨。茶試老僧鐘。地近勞頻訪。烏紗出送迎。送歎法師

度歲不相見。嚴冬始一作知出關。孤煙寒色樹。高雪夕陽山。瀑布寺應到。牡丹房甚閒。一作寒南朝遺迹在。此去幾時還。

寄錢庶子

曲江春水滿。北岬揜一作枕柴關。祗有僧鄰舍。全無物映山。樹陰終日埽。藥債一作時債隔年還。猶記聽琴夜。寒鏡竹屋間。

原上秋居

關西山一作又落木。心事復如何。歲月辭山久。秋霖入夜多。鳥從井口出。人自岳一作洛陽過。倚杖聊閒望。田家未翦禾。

夏

原寺偏鄰近。開門物景澄。磬通多葉罽。月離片雲稜。寄宿山中鳥。相尋海畔僧。惟愁秋色至。乍可在炎蒸。

冬夜

羈旅復經冬。瓢空盎亦空。淚流寒枕上。迹絕舊山一作溪中。凌結浮萍水。霜和衰柳風。曙光雞未報。噉啄兩三鴻。

送厲宗上人

擁策背岷峨。終南雨雪和。漱泉秋鶴至。禪樹夜猿過。高頂白雲盡。前山黃葉多。曾吟廬岳上。月動九江波。

寄李存穆

聞道船中病。侶憂親弟兄。信來從水路。身去到柴城。久別長鬚鬢。相思書姓名。忽然消息絕。頻夢卻還京。

贈無懷禪師

身從劫劫修。果以此生周。禪定石牀暖。月移山樹秋。捧盃觀宿飯。敲磬過清流。不掩元關路。教人問到一作白頭。

寄武功姚主簿

居枕江沱北。情懸渭曲西。數宵曾夢見。幾處得書批。驛路穿荒坂。公田帶淤泥。靜基功奧妙。閒作韻清凄。鉏草留叢藥。尋山上石梯。客迴河水漲。風起夕陽低。空地苔連井。孤邨火隔溪。卷簾黃葉落。鑱印子規啼。隴色澄秋月。邊聲入戰聲。會須過縣去。況是屢招攜。

題劉華書齋

白石牀無塵。青松樹一作樹有鱗。一鷲颺帶雨。兩樹合一作谷從春。荒樹苔膠砌。幽叢果墮榛。偶來疏或數。當暑夕勝晨。露滴星河水。巢重草木薪。終南同往意。趙北獨遊身。渡葉司天漏。驚蛩遠地人。機清公幹疾。一作族也莫臥漳濱。

送盧秀才遊潞府

雨餘滋潤在。風不起塵沙。邊日寡文思。送君吟月華。過山千相府。臨水宿僧家。能賦焉長屈。他一作芳春宴杏花。

送南康姚明府

銅章美少年。小邑在南天。版籍多遷客。封疆接洞田。靜江鳴野鼓。發纜帶邨煙。卻笑陶元亮。何須憶醉眠。送友人棄官遊江左

羨君休作尉。萬事且全身。寰海多虞日。江湖獨往人。姓名何處變。鷗鳥幾時親。別後吳中使。應須訪子真。

雨中懷友

對雨思君子。嘗茶近竹幽。僮家鄰古寺。不到又逢秋。

寄遠

家住錦水上。身征遼海邊。十書九不到。一到忽經年。

南齋

獨自南齋臥。神閒景亦空。有山來枕上。無事到心中。簾卷侵牀月。屏遮入座風。望春春未至。應在海門東。

早春題友人湖上新居二首

一作項斯詩

近得雲中看。一作路門長侵早開。到時猶有雪。行處已無苔。勸酒客初醉。留茶僧未來。每逢晴暖日。惟見乞

花栽。

門不當官道。行人到亦稀。故從餐後出。多是夜深歸。開篋收詩卷。掃牀移臥衣。幾時同買宅。相送一作近有柴扉。

長江集卷五

送雍陶入蜀

江山事若諳。那肯滯雲南。草色分危磴。杉陰近古潭。日斜髮谷鳥。夏淺舊州蠶。吾自疑雙鬢。相逢更不堪。

張郎中過原東居

年長惟添嬾。經旬祗撝關。高人餐藥後。下馬此林間。對坐天將暮。同來客亦閒。幾時能重至。水味似深山。

答王建祕書

一本無建字。

人皆聞蟋蟀。我獨歎一作恨。蹉跎白髮無心鑷。青山去意多。信來漳浦岍。期負洞庭波。時掃高槐影。朝迴或

恐過。

送李餘往湖南

昔去候溫涼。秋山滿楚鄉。今來從辟命。春物徧潯陽。岳石挂海雪。野峰堆渚檣。若尋吾祖宅。寂寞在瀟湘。

偶作

野步隨吾意。那知是與非。稔年時雨足。閏月暮蟬稀。獨樹依岡老。遙峰出草微。園林自有主。宿鳥且同歸。

過雍秀才居

夏木鳥巢邊。終南嶺色鮮。就涼安坐石。養茗汲鄰泉。鐘遠清霄半。蜩稀暑雨前。幽齋如昔罷。約我一來眠。

寄顧非熊

知君歸有處。山水亦難齊。猶去瀟湘遠。不聞猿狖啼。穴通茅嶺下。潮滿石城頭。一作西獨立生遙思。秋原日漸低。

送神邈法師

柳絮落濛濛。西州道路中。相逢一作留春忽盡。獨去講初終。行疾遙山雨。眠遲後夜風。遶房三兩樹。回日一作去葉應紅。

送慈恩寺霄韻法師謁太原李司空

何故謁司空。雲山知幾重。積遙來雁盡。雪急去僧逢。清磬先寒角。禪燈徹曉烽。一作峰舊房閒片石。倚著最高松。

送知興上人

久住巴興寺。如今始拂衣。欲臨秋水別。不向故園山。一作歸錫挂天涯樹。房開一作闕岳頂扉。下看千萬里。曉霜海日生微。

送惠雅法師歸玉泉

祇向一作瀟湘水。洞庭湖未遊。飲泉看月別。下峽聽猿愁。講不停雷雨。吟當一作近海流。降霜歸楚夕。星冷玉泉秋。

憶江上吳處士

閩國揚帆去。蟾蜍虧復圓。秋風吹渭水。落葉滿長安。此夜聚會夕。當時雷雨寒。蘭橈殊未返。消息海雲端。

題章一作張·博士新居

青楓何不種。林在洞庭邨。應爲三湘遠。難移萬里根。斗牛初過伏。菡萏欲香門。一作斗移亭北樹。蓮照水邊門。舊卽湖山隱。新廬豈此原。

石門陂留辭從叔蒼石一作百

幽鳥飛不遠。此行千里間。寒衝陂水霧。醉下菊花山。有恥常爲客。無成又入關。何時臨澗柳。吾黨共來攀。

送朱兵曹迴越

星彩練中見。激江豈有泥。潮生垂釣罷。楚盡去檣西。磧鳥辭沙至。山鷗隔水唳。會稽半侵海。濤白禹祠溪。

懷博陵故人

孤城易水頭。不忘舊交遊。雪壓圍棋石。風吹飲酒樓。路遙千萬里。人別十三秋。吟苦相思處。天寒水急流。

夕思

秋宵已難曙。漏向二更分。我憶山水坐。蟲當寂寞聞。洞庭風落木。天姥月離雲。會自東浮去。將何欲致君。

寄河中楊少尹

非惟咎曩時。投刺詣門遲。悵望三秋後。參差萬里期。禹留疏鑿迹。舜在寂寥祠。此致香難共。迴風逐所思。

孟融逸人

孟君臨水居。不食水中魚。衣褐惟麤帛。筐箱祇素書。樹林幽鳥戀。世界此心疏。擬擢孤舟去。何峰又結廬。

晚晴見終南諸峰

秦分一作積多峰。連巴勢不窮。半旬藏雨裏。此日到牕中。圓魄將昇兔。高空一作虛欲叫鴻。故山思不見。碣

石次寥東

宿池上

泉來從絕壑。亭敞在中流。竹密無空畝。松長可絆舟。蟪蛄潭上夜。河漢島前秋。異夕一作日期深漲。攜琴卻此遊。

喜姚郎中自杭州迴

路多楓樹林。累日泊清陰。來去汎流水。翛然適此心。一披江上作。三起月中吟。東省期司諫。雲門悔不尋。

送鄭史一作送鄭長史之嶺南

雲林頗重疊。岑渚復幽奇。汨水斜陽岬。騷人正則祠。蒼梧多蟋蟀。白露溼江蘼。擢第榮南去。晨昏近九疑。

送李漢謁宥州李權使君

英雄典宥州。迢遞苦吟遊。風宿驪山下。月斜灞水流。去時初落葉。迴日定無一作非秋。太守攜才子。看鵬百尺樓。

永福湖和楊鄭州

積水還平岬。春來引鄭溪。舊渠通郭下。新堰絕湖西。嵩少分明對。瀟湘闊狹齊。客遊隨庶子。孤嶼草萋萋。

題長江廳字。一本有廳字。

言心俱好靜。靡署落暉空。歸吏封宵鑰。行蛇入古桐。長江鱗雨後。明月衆星中。若任遷人去。西浮一作溪與劍通。

泥陽館

客愁何併起。暮送故人回。廢館秋螢出。空城寒雨來。夕陽飄白露。樹影掃青苔。獨坐離容慘。孤鏡照不開。

送徐員外赴河中

原野正蕭瑟。中間分散情。吏從甘扈罷。詔許朔方行。邊日洗殘角。河關截夜城。雲居閒獨住。長老出房迎。

送賀蘭上人

野僧來別我。略坐傍泉沙。遠道擊空鉢。深山踏落花。無師禪自解。有格句堪誇。此去非緣事。孤雲不定家。

寄一作送令狐相公

梁園趨戟節。海草幾枯春。風水難遭便。差池未振鱗。姓名猶語及。門館阻何因。苦擬修文卷。重擎獻匠人。吟看青島處。朝退赤墀晨。根愛杉栽活。枝憐雪霰新。綴篇嗟調逸。不和揣才貧。早晚還霖雨。滂沱洗月輪。振苗方滅裂。成器待陶鈞。困坂思迴顧。迷邦輒問津。數行望外札。絕句握中珍。是日榮遊汗。當時怯往陳。鴻春乖漢爵。禎病臥漳濱。岳整五千仞。雲惟一片身。故山離一作心未死。秋水宿經旬。下第能無惡。高科恐有神。罷畊田料廢。省釣岍應榛。慷慨知音在。誰能淚墮巾。

寄滄州李尙書

滄溟深絕闊。西岍郭東門。弋者羅夷鳥。桴人思嶠猿。威稜高臘冽。煦育極春溫。陂淀封疆內。兼葭壁壘根。搖鞞邊地脈。愁箭虎狼魂。水縣賣紗市。鹽田煮海邨。枝條分御葉。家世食唐恩。武可縱橫講。功從戰伐論。天涯生月片。嶼頂湧泉源。非是泥池物。方應一作因雷雨尊。沈謀藏未露。鄰境帖無喧。青塚驕迴鶴。蕭關陷吐蕃。何時霖歲旱。早晚雪邦冤。迢遞瞻旌纛。浮陽寄詠言。

逢舊識

幾歲阻干戈。今朝勸酒歌。羨君無白髮。走馬過黃河。舊宅兵燒盡。新宮日奏多。妖星還有角。數尺鐵重磨。

崇聖寺彬公房

近來惟一食。樹下掩禪扉。落日寒山磬。多年壞衲衣。
白鬚多一作長。更剗青鶴遠還歸。仍說遊南岳。經行是
息機。

送李傅侍郎一作御劍南行營

走馬從邊事。新恩授外臺。勇看雙節出。期破八蠻迴。
許國家無戀。盤江棧不摧。移軍刁斗逐。報捷劍門開。
角咽彌猴叫。鼙乾霹靂來。去年西一作新。甸邑猶滯佐時才。

別徐明甫一作府

抱琴非本意。生事偶相縈。口尚袁安節。身無子賤名。
地寒春雪盛。山淺夕風輕。百戰餘荒野。千夫漸耦耕。
一杯宜獨夜。孤客戀交情。明日疲驂去。蕭條過古城。

歧下送友人歸襄陽

蹉跎隨汎梗。羈旅到西州。舉翮籠中鳥。知心海上鷗。
山光分首一作手。暮草色向家秋。若更登高峴。看碑定
淚流。

送友人入一作遊蜀

萬岑深積翠。路向此中難。欲暮多羈思。因高莫遠看。
卓家人寂寞。揚子業凋殘。惟有岷江水。悠悠帶月寒。

送鄭少府

江岍一相見。空憐憶此分。滄夕一作陽行帶月。酌水少留君。野地多一作燒草。荒山過雪雲。明年還調集。蟬可在家聞。

子規一作項斯詩。

遊魂自相叫。甯復記前身。飛過鄰家月。聲連一作憐。野寺一作路。春夢邊。催曉急。愁處送風頻。自有霑花血。相和雨滴新。

送僧歸天台

辭秦經越過。歸寺海西峰。石欄雙流水。山門九里松。曾聞清禁漏。卻聽赤城鐘。妙字研磨講。應齊智者蹤。

長江集卷六

讓糺曹上樂使君

戰戰復兢兢。猶如履薄冰。雖然叨一掾。還是說三乘。瓶汲南溪水。書來北岳僧。慙愚兼抱疾。權紀不相應。

贈友人

五字詩成卷。清新少得一作韻具。借不同狂客醉。自伴律僧齋。春別和花樹。秋辭帶月淮。卻歸登第日。名近

榜頭排。

送雍陶及第歸成都甯親一作觀

不唯詩著籍。兼又賦知名。議論於題稱。春秋問對精。半應陰鷲與。全賴有司平。歸去峰一作巖。巒衆別來松

桂生。漲江流水品。一作凸。當道白雲坑。勿以攻文捷。一作健。而將學劍輕。製衣新濯錦。開醞舊燒罌。同日昇科

士。誰同膝下榮。

謝令狐相公賜衣九事

長江飛鳥外。主簿跨驢歸。逐客寒前夜。元戎予厚衣。雪來松更綠。霜降月彌輝。即日一作入。調殷鼎。朝分

與非。

送金州鑒周上人

池一作地·必尋天目·溪仍住若耶·帆隨風便發·月不要雲遮·極浦浮霜雁·迴潮落海查·峨帽省春上·立雪指流沙

送譚遠上人

下視白雲時·山房蓋一作掛·樹皮垂一作雪·枝松落子側一作佛·頂鶴聽棋·清靜從沙劫·中終日未歇·今光明本行傳一作同·侍出峨帽

新年

嗟以龍鍾身一作貌·如何歲復新·石門思隱久·銅鏡強窺頻·花發新移樹·心知故國春·誰能平此恨·豈是北宗人

送姚杭州

白雲峰下城·日夕白雲生·人老江波江一作魚·釣·田侵海樹耕·吳山鍾入越·蓮葉吹搖旌·詩異石門思·濤來向越一作遠·迎一作閣·上迎

送僧

出家從卯歲·解論造元門·不惜揮談柄·誰能聽至言·中時山果熟·後夏竹陰繁·此去逢何日·峨帽曉復昏

全唐詩及明本·皆送姚
杭州在後·送僧在前·

夜集田卿宅

朗誦高齋下·如將古調彈·翻鴻向桂水·來雪渡桑乾·滴滴玉露曙·脩脩竹籟殘·曩年曾病此·亦值五陵寒·

寄山友

一作
中·長孫栖嶠

此時氣蕭颯·一作
瑟·琴院可應關·鶴似君無事·風吹雨徧山·松生青石上·泉落白雲間·有逕連松頂·心期相
與還·

酬厲元

我來從北鄙·子省陟一作
度·西陵·白髮初相識·秋山擬共登·鄰居帝城雨·會宿御溝冰·未報見一作
君·貽作·耿

然中夜興·

送劉式洛中觀省

晴峰三十六·侍立上春臺·同宿別離恨·共看星月迴·野鷺臨苑語·河權歷江來·便寄相思札·緘封花下開·

送空公往金州

七百里山水·手中柳栗籠·松生師坐石·潭滌祖傳孟·長擬老岳嶠·又聞思海湖·惠能同俗姓·不是嶺南盧·

贈紹明上人

未住青龍^{一作雲}室中秋獨往年。上方崧古^{一作若}寺不視雨和^{一作如}煙。祖豈無言去。心因斷臂傳。不知能已後。更有幾鐙然。

贈宏泉上人

洗足下藍嶺。古師精進同。心知溪卉長。居此玉林空。西殿宵鐙馨。東林曙雨風。舊峰鄰太白。石坐雨苔蒙。

送宣皎上人遊太白

剃髮鬢無雪。去年三十三。山過春草寺。磬度落花潭。得句才憐約。論宗意在南。峰靈疑懶下。蒼翠太虛參。

病起

崧^{一作高}邱歸未得。空自責遲迴。身事豈能遂。蘭花又已開。病令新作少。雨阻故人來。鏡下南華卷。祛愁當酒杯。

送殷侍御赴同州

馮翊蒲西^{一作連}郡。沙岡擁地形。中條全離岳。清渭半和涇。夜暮^{一作久}眠明月。秋深^{一作新}至洞庭。猶來交辟士^{一作由來}。交臂者^{一作事}。事別^{一作偃}林扃。

送沈鶴

家楚壻於秦。攜妻去養親。陸行千里外。風卷一帆新。夜泊疏山雨。秋吟擣藥輪。蕪城登眺作^{一作後}。才動廣

陵人。

秋夜仰懷錢孟二公琴客會

月色四時好。秋光君一作吾子知。南山昨夜雨。爲我寄一作寫清規。獨鶴聳寒骨。高杉韻細颺。仙家縹緲弄。彷彿此中期。

贈李金州

綺里祠前後。山程踐白雲。泝流隨大旆。登岍見全軍。曉角吹人夢。秋風卷雁羣。霧開方露日。漢水底一作與沙分。

酬姚合

一本無合字。按書

因貧行遠道。一作道得見舊交遊。美酒易傾盡。好詩難卒酬。公堂朝共到。私第夜相留。不覺入關晚。別來林木秋。

送獨孤馬二秀才居明月山讀書

濯志俱高潔。儒科慕冉顏。家辭臨水郡。雨到讀書山。棲鳥櫻花上。聲鐘磔一作磔閣間。寂寥牕戶外。時見一舟還。

病蟬

病蟬飛不得。向我掌中行。拆翼猶能薄。酸吟尚極清。露華凝在腹。塵點誤侵睛。黃雀并一作兼。鳶一作鳥。俱懷害爾情。

青門里作

驚存鴻已過。海內幾人愁。欲問南宗理。將歸北岳修。若無攀桂分。祇是臥雲休。泉樹一為別。依稀三十秋。

盧秀才南臺

居在青門里。臺當千萬岑。下因岡勢助。上有樹交陰。陵遠根纔辯一作近。空長畔可尋。新晴登嘯月一作處。驚

起宿枝禽。

寄李騎侍御一作郎

終過盟津書。分明夢不虛。人從清渭別。地隔太行餘。賓幘唯嫌靜。公門但晏如。搗葦乾露露。斜漢溼蟾蜍。追琢垂今後。敦龐得古初。井臺憐操樂。漳岍想丕疏。亦冀鑿珉珮。終當直石渠。此身多抱疾。幽里近營居。憶漱蘇門壑。經浮楚澤滌。松栽侵古影。葦斷尙芹苴。語嘿曾眠一作延。接心源離滓淤。誰言姓氏獨跨角生魚。

寄令狐相公

驢駿勝羸馬。東川路匪賒。一絨論賈誼。三蜀寄嚴家。激澈霜江水。分明露石砂。話言聲及政。棧閣谷離斜。

自著衣偏暖。誰憂雪六花。裘裳留闊襖。防患與通茶。山館中宵起。星河殘月華。雙僮前日雇。數口向天涯。良樂知騏驥。張雷驗鑊邪。謙光賢將相。別紙聖龍蛇。豈有斯言玷。應無白璧瑕。不妨圓魄裏。人亦指蝦蟆。

再投李益常侍

何處初投刺。當時赴尹京。淹留花木柳。變然諾肺腸傾。避暑蟬移樹。登高

一作高

雁過城。人家崧岳色。

公府洛河聲。聯句逢秋盡。嘗茶看

一作見

月生。新衣裁白乞。思從江曲行。

積雪

省昔一作屬時霖滯。今逢臘雪多。南溟飄桂渚。北訝雨交河。盡滅平蕪色。彌重古木柯。空中離白氣。島外下

滄波。隱者迷樵道。朝人冷玉珂。夕繁仍晝密。漏間復鐘和。想積高崧頂。新秋皓

一作皎

月過。

過楊一作道士居

先生修道處。茆屋遠羃氛。叩齒坐明月。捲簾望白雲。精神含藥色。衣服帶霞文。無話

一作每

瀛洲路。多年

別少君。

贈僧

亂山秋木穴。裏有靈蛇藏。鐵錫挂臨

一作陸

海。

一作錫挂

臨滄海。

石樓聞異香。出塵頭未白。入定納凝霜。莫話五湖事。

令人心欲狂。

送友人遊塞

飄蓬多塞下。君見益潸然。迥積砂銜日。長河水接天。夜泉行客火。曉戍向京煙。少結相思恨。期芳草前。

思遊邊友人

凝愁對孤燭。昨日飲離杯。葉一作鄂下。故人去。天中新雁來。連沙秋草薄。帶雪暮山開。苑北紅塵道。何時見遠迴。

秋暮寄友人

寥落關河暮。霜風樹葉低。遠天垂地外。寒日下山一作峯。西有志煙霞。切無家歲月迷。清宵話白閣。已負數一作年棲。

寄令狐相公

官蒙明一作高一作顯。教授老免把犁鋤。一主長江印。三封東省書。不無濛上思。唯食圃中蔬。夢幻將泡影。浮生事只如。

和孟逸人林下道情

四氣一作時。相陶鑄。中庸道豈銷。夏雲生此日。春色盡今朝。陋巷貧無悶。昆邪疾未調。已栽毫一作天。末柏。合抱豈非遙。

宿姚少府北齋

石溪同夜汎。復此北齋期。鳥絕吏歸後。蛩鳴客臥時。
鑱城涼雨細。開印曙鐘遲。憶此漳川岸。如今是別離。

雪晴晚望

倚杖望晴雪。溪雲幾萬重。樵人歸白屋。寒日下危峰。
野火燒岡草。斷煙生石一作古。松。卻迴山寺路。聞打暮天鐘。

長江集卷七

送崔嶠遊瀟湘

功烈尙書孫。琢磨風雅言。渡河山鑿處。陟險一作漢灘喧。夢想吟天目。宵同話石門。楓林葉欲下。極浦月清暉。

寄朱錫珪

遠泊與誰同。來從古木中。長江人釣月。野曠火燒風。夢澤吞楚大。閩山隱一作海叢。此時橋底水。濤起屈原通。

馬戴居華山因寄

玉女洗頭盆。孤高不可言。瀑流蓮岳頂。河注華山根。絕雀林藏鶻。無人境有猿。秋蟾纔過雨。石上古松門。
寄胡遇

一自殘春別。經炎復到涼。螢從枯樹出。蛩入破塔藏。落葉書勝紙。閒砧坐當牀。東門因送客。相訪也何妨。
送李戎扶侍往壽安

二千餘里路。一半是波濤。未曉著衣起。出城逢日高。關山多寇盜。扶侍帶弓刀。臨別不揮淚。誰知心鬱陶。

送孫逸人

衣履猶司俗。妻兒亦宛然。不餐能累月。無疾一作病已多年。是藥皆諳性。令人漸信仙。杖頭書數卷。荷入翠微煙。

奇華山僧

遙知白石室。松柏隱朦朧。月落看心次。雲生閉目中。五更鐘隔岳。萬尺水懸空。苔蘚嵌巖所。依稀有境一作徑通。

送李登少府

伊陽耽酒尉。朗詠醉醒新。應見崧山裏。明年躑躅春。一千尋樹直。三十六峰鄰。流水潺潺處。豎貞玉欄珉。易州過郝逸人居。

每逢詞翰客。邀我共尋君。果見閒居賦。未曾流俗聞。也知鄰市井。宛似出塵一作霧氛。卻笑巢由輩。何須隱白雲。

酬鄂縣李廓少府見寄

稍憐公事退。復遇夕陽時。北朔霜凝竹。南山水入籬。吟懷滄海侶。空問白雲師。恨不相從去。心惟野鶴知。淨業寺與一本有前鄂縣三字李廓少府同宿。

來從城上峰。京寺暮相逢。往往語復默。微微雨灑松。家貧初罷吏。年長畏聞蛩。前日猶拘束。披衣起曉鐘。
送南卓歸京

殘春別鏡陂。罷郡未霜髭。行李逢炎暑。山泉滿路歧。雲藏巢鶴樹。風觸嘯鶯枝。三省同虛位。雙旌帶去思。
入城宵夢後。待漏月沈時。長策并忠告。從容寫玉墀。一作池。

臥疾走筆酬韓愈書問

一臥三四句。數書惟獨一作書至。君願爲出海月。不作歸山雲。身上衣裳與一作類。甌中物亦分。欲知強健否。病鶴未離羣。

長孫霞李溟自紫閣白閣二峰見訪

寂寞吾廬貧。同來二閣人。所論唯野事。招作一作訪。住雲鄰。古寺期秋宿。平林散早春。漱流今已矣。巢許豈堯臣。

送惟一遊清涼寺

去有巡臺侶。荒溪衆樹分。瓶殘秦地水。錫入晉山雲。秋月離喧見。寒泉出定聞。人間臨欲別。旬日雨紛紛。
鄭尙書新開滄江二首

岸鑿青山破。江開白浪寒。日沈源出海。春至草生灘。梓匠防波溢。蓬仙畏水乾。從今疏決後。任雨滯峰巒。

不侵南畝務。已拔北江流。潛水方移岸。潯陽有到舟。潭激初擣藥。波動乍垂鉤。山可疏三里。惟應一作從歷億秋。

寄喬侍郎

大甯猶未到。曾渡北浮橋。曉出爬船寺。手擎紫栗條。差池不相見。悵望至今朝。近日營家計。繩懸一小瓢。

送去華法師

在越居何寺。東南水路歸。秋江洗一鉢。寒日曬三衣。默聽鴻聲盡。行看葉影飛。囊中無寶貨。船戶夜扃稀。

送蔡京

躍蹶歸魯日。帶漏別秦星。易折芳條桂。難窮邃義經。登封多泰岱。巡狩徧滄溟。家在何林下。梁山翠滿庭。

慈恩寺上座院

未委衡山色。何如對塔峰。曩宵曾宿此。今夕值秋濃。羽族棲煙竹。寒流帶月鐘。井甘源起異。泉湧漬苔封。

題朱慶餘所居

天寒吟竟曉。古屋瓦生松。寄信船一隻。隔鄉山萬重。樹來沙岸鳥。牕度雪樓鐘。每憶江中嶼。更看城上峰。

送黃知一作新歸安南

池亭沈飲徧。非獨曲江花。地遠路穿海。春歸冬到家。火山難下雪。瘴土下生茶。知決移一作來計。相逢期。

尙賒。

贈胡禪師

自是根機鈍。非關夏臘深。秋來江上寺。夜坐嶺南頭。一作心井鑿山含月。風吹磬出林。祖師遺一作遣。隻履去路杳難尋。

元日女道士受籙

元日天新夜。齋身稱淨衣。數星連斗出。萬里斷雲飛。霜下磬聲在。月高壇影微。立聽師語了。左肘繫符歸。

重與彭兵曹

故人在城裏。休寄海邊書。漸去老不遠。別來情豈疏。硯冰催臘日。山雀到貧居。一作每有平戎策。一作計官蒙一作家別敕書。一作除

贈莊上人

不語焚香坐。心知道已成。流年衰此世。定力見他生。暮雪餘春冷。寒鐙續晝明。尋常五侯至。敢望下塔迎。

落第東歸逢僧伯陽

相逢須語笑。人世別離頻。曉至一作去長侵月。思鄉動隔春。見僧心暫靜。從俗事多迤。宇宙詩名小。山河客路新。翠桐猶入爨。清鏡未辭塵。逸足思奔驥。隨羣且退鱗。宴乖紅杏寺。愁在綠楊津。老病難爲樂。開眉賴

故人。

皇甫主簿期遊山不及赴

休官匹馬在。新意入山中。更住應難遂。一作相。期恨不同。集蟬苔樹僻。留客雨堂空。深夜誰相訪。惟當清

靜翁。

宿成湘林下

相訪夕陽時。千株木未衰。石泉流出谷。一作出。幽谷。山雨滴棲鷗。漏向鐙聽數。君。一作酒。因客寢遲。今宵不盡興。

更有月明期。

喜雍陶至

今朝笑語同。幾日百憂中。烏度劍門靜。蠻歸瀘水空。步霜吟菊畔。待月坐林東。且莫孤此興。勿論窮與通。

酬胡遇

麗句傳人口。功名立可圖。移居見山燒。買樹帶巢烏。遊遠風濤急。吟清雪月孤。卻思初識面。仍未有多鬚。

宿慈恩寺郁公房

病身來寄宿。自掃一牀閒。反照臨江磬。新秋過雨山。竹陰移冷月。荷氣帶禪關。獨往。一作住。天台意。方從內

請還。

送嶺山人歸日東一作本

懸帆待秋色。一作去入杳冥間。東海幾年別。中華此日還。岸遙生白髮。波盡露青山。隔水相思在。無書也是閒。

寄韓湘

過嶺行多少。潮州漲一作瘴。滿川花開南去後。水凍北歸前。望鷺吟登閣。聽猿淚滴船。相思看面語。一作不著尺書傳。

雨夜寄馬戴

芳林杏花樹。花老子西東。今日曲江雨。寒催朔北風。鄉書滄海絕。隱路翠微通。寂寂相思處。一作孤紅。缸殘漏中。

喜無可上人遊山回

一食復何如。尋山無定居。相逢新夏滿。不見半年餘。聽話龍潭雪。休傳鳥道書。別來還似舊。白髮日高梳。

寄毘陵徵公

身依吳寺老。黃葉幾迴看。早講林霜在。孤禪隙月殘。井通潮浪遠。鐘與角聲寒。已有南遊一作浮約。誰言禮謁難。

送韋瓊拔書

賓佐兼歸覲。此行江漢心。別離從闕下。道路向山陰。孤嶼消寒沫。空城滴夜霖。若耶溪畔寺。秋色共誰尋。

寄劉侍御

衣多苔蘚痕。猶擬更趨門。一作村。自夏雖無病。經秋不過原。積泉留岱雁。一作鳥。疊岫一作嶼。隔巴猿。琴月西齋集。如今豈復言。

長江集卷八

送穆少府知眉州

劍門倚清漢。君昔未曾過。日暮行人少。山深異鳥多。一作獫狁。嘯和峽雨。棧盡到江波。一路白雲裏。飛泉灑薜蘿。

二月晦日留別鄴一作中友人

立馬柳花裏。別君當酒酣。春風漸向北。雲一作雁不飛南。明曉日初一。今年月又三。鞭羸去暮色。遠岳起煙嵐。

送李校書赴吉期

筮算重重吉。良期詎可遷。不同牛女夜。是配鳳皇年。佩玉春風裏。題章蠟燭前。詩書與箴訓。夫哲又妻賢。
宿孤館

落日投邨戍。愁生爲客途。一作寒春。山晴後綠。秋一作江。月夜來一作深。孤橘樹千株在。漁家一半無。自知風水靜。舟繫岸邊蘆。

哭宗密禪師

鳥道雪岑巔。師亡誰去禪。凡塵增滅後。樹色改生前。層塔當松吹。殘踪傍野泉。唯嗟聽經虎。時到壞庵邊。

宿山寺

衆岫聳寒色。精廬向此分。流星透疏木。走月逆行雲。絕頂人來少。高松鶴不羣。一僧年八十。世事未曾聞。

送友人如邊

去日重陽後。前程菊正芳。行車轆秋岳。落葉墮^{一作}寒霜。雲入漢天白。風高磧色黃。蒲輪待恐晚。求薦向諸方。

題竹谷上人院

禪庭高鳥道。回望極川原。樵逕連峰頂。石泉通竹根。木深猶積雪。山淺未聞猿。欲別塵中苦。願師貽一言。

京兆原州

登原見城闕。策蹇思炎天。日午路中客。槐花風處蟬。遠山秦木^{一作}上。清渭漢陵前。何事居人世。皆從^{一作}因名利牽。

寄江上人

紫閣舊房在。新家中岳東。煙波千里見。^{一作}消息一朝通。寒日汀洲路。秋晴島嶼風。分明杜陵葉。別後雨^{一作}經紅。

送僧歸太白山

堅冰連夏處。太白接青天。雲塞石房路。峰明雨外巔。夜禪臨虎穴。寒漱撇龍泉。後會不期日。相逢應信緣。

暮過山邨

數里聞寒水。山家少四鄰。怪禽嘯曠野。落日恐行人。初月未終夕。邊烽不過秦。蕭條桑柘外。煙火漸相親。

鷺鷥

求魚未得食。沙岸往來行。島月獨棲影。暮天寒過聲。墮巢因木折。失侶遇弦驚。頻向煙霄望。吾知爾去程。

內道場僧宏紹

麟德燃香請。長安春幾回。夜閒一作寒。同象寂。晝定爲吾開。講罷松根老。經浮海水來。六年雙足履。只步兜中苔。

蔣亭和蔡湘川

蔣宅爲亭榭。蔡城東郭門。潭連秦相井。松老漢朝根。已積蒼苔徧。何曾舊逕存。高齋無事後。時復一擔樽。

光州王建使君水亭作

楚水臨軒積。澄鮮一畝餘。柳根連岸盡。荷葉出萍初。極浦清相似。幽禽到不虛。夕陽庭際眺。槐雨滴稀一作疏。

留別王光州一本作留別光州王使君建

杜陵千里外。期在末秋歸。既見林花落。須防木葉飛。楚從何地盡。淮隔數峰微。迴首餘霞失。斜陽照客衣。

宿姚合宅寄張司業籍字一本無

閒宵因集會。一作會柱史話先生。身愛無一事。心期往四明。松枝影搖動。石磬響寒清。誰伴南齋宿。月高

霜滿城。

哭張籍

精靈歸恍惚。石磬韻曾聞。卽日是前古。誰人耕此墳。舊遊孤櫂遠。故域九江分。本欲蓬瀛去。餐芝御白雲。

靈準上人院

揜扉當太白。臘數等松椿。禁漏來遙一作遲。夜山泉落近鄰。經聲終卷曉。草色幾芽春。海內知名士。交遊準

上人。

寄柳舍人宗元一本無宗元二字

格與功俱造。何人意不降。一宵三夢柳。孤泊九秋江。擢第名重列。冲天字幾雙。誓爲仙者僕。側執馭風幢。

送元巖上人歸西蜀

玉壘山中寺。幽深勝槩多。藥成彭祖擣。頂受七輪摩。去臘催今夏。流光等逝波。會當依糞埽。一作草五岳徧

頭陀。

寄宋州田中丞

古郡近南徐。關河萬里餘。相思深夜後。一作雨。未答去秋年。一作書。自別知音少。難忘識面初。舊山期已久。門
揜數畦蔬。

送朱休歸劍南

劍南歸受賀。太學賦聲雄。山路長江岸。朝陽十月中。芽新抽雪茗。枝重集猿楓。卓氏琴臺廢。深蕪想徑通。
寄長武朱尙書

不日即登壇。旗槍一萬竿。角吹邊月沒。鼓絕爆雷殘。中國今如此。西荒可取難。白衣思請謁。徒步在長安。
送皇甫侍御

曉鐘催早朝。自是一作獨赴嘉招。舟泊襄江闊。田收楚澤遙。雁驚起衰草。猿渴下寒條。來使黔南日。時應
問寂寥。

郊居卽事

住此園林久。其如未是家。葉書傳野意。欄溜煮胡茶。雨後逢行鷺。更深聽遠蛙。自然還往裏。多是愛煙霞。
夜集姚合宅期可公不至

公堂秋一作春·雨夜·已是念園林·何事疾病日·重論山水心·孤鐙明臘後·微雪下更深·釋子乖來約·泉西寒磬音·

喜李餘自蜀至

迢遞岷峨外·西南驛路高·幾程尋險棧·獨宿聽寒濤·白鳥飛還立·青猿斷更號·往來從此過·詞體近風騷·

王侍御南原莊

買得足雲地·新栽藥數窠·峰頭盤一逕·原下注雙河·春寺閒眠久·晴臺獨上多·南齋宿雨夜·一作後·仍許重來·一作來·

送康秀才

俱爲落第年·相識落花前·酒瀉兩三饑·詩吟十數篇·行歧逢塞雨·嘶馬上津船·樹影高堂下·迴時應有蟬·

送僧

此生披衲過·在世得身閒·日午遊都市·天寒往華山·言歸文字外·意出有無間·仙掌雲邊樹·巢禽時出關·

送寄一作魏少府

來時乖面一作傷·遠·別·終日使人慙·易記卷中句·難忘鐙下談·溼苔黏樹瘦·瀑布濺房庵·音信如相惠·移居古井南·

原居卽事言懷贈孫員外

出入士門偏。秋深石色泉。逕通原上草。地接水中蓮。采菌依餘枿。拾薪逢刈田。鑷擗白髮斷。兵阻尺書傳。避路來華省。鈔書一作詩。上彩箋。高齋久不到。猶喜未經年。

登樓

秋日登樓望。涼風吹海初。山川明已久。河漢沒無餘。遠近涯寥曩。一作廓。高低中太虛。賦因王閣筆。思比謝遊疏。

上樂使君救康成公一作陳陶續古詩

曾夢諸侯笑。康囚議脫枷。千根池裏藕。一朵火中花。

昆明池汎舟

一枝青竹榜。汎汎綠萍裏。不見釣魚人。漸入秋塘水。

送僧

大內曾持論。天南化俗行。舊房山雪在。春草岳陽生。曉了蓮經義。堪任寶蓋迎。王侯皆護法。何寺講鐘鳴。送劉知新往襄陽

此別誠堪恨。荆襄是舊遊。眼光懸欲落。心緒亂難收。花木三層寺。一作伍。煙沒五一作。相樓。因君兩地去。長使夢

悠悠。

寄慈恩寺郁上人

中秋期夕望。虛室省相容。北斗生清漏。南山出碧重。露寒鳩宿竹。鴻過月圓懸一作鐘。此夜情應切。衝陽舊住峰。

長江集卷九

送饒州張使君

終南雪雨連城關。去路江西一作西。白浪頭。滌上郡齋離昨日。鄱陽農事勸今秋。道心生向前朝寺。文思來因靜夜樓。借問泊帆干謁者。誰人曾聽峽猿愁。

觀冬設上東川楊尙書

匏革奏冬非獨樂。軍城未曉啓重門。何時去一作卻。入三台貴。此日空知八座尊。羅綺舞時一作中。收雨點。貔貅闔外卷雲根。逐遷屬吏隨賓列。去一作撥。擢扁舟不忘恩。

巴興作

三年未省聞鴻叫。九臘一作月。何曾見草枯。寒暑氣均思白社。星辰位正憶皇都。蘇卿持節終還漢。葛相行師自渡瀘。鄉味朔山林果別。北歸期挂海帆孤。

早蟬

早蟬孤抱芳槐葉。噪向殘陽意度秋。也任一聲催我老。堪憐一作聽。兩耳畏吟休。得非下第無高韻。須是青山隱白頭。若問此心嗟歎否。天人不可怨而尤。

投元郎中

心一作秋在瀟湘歸末期。卷中多是得名詩。高臺聊望清秋色。片水堪一作難留白鷺鷥。省宿有時聞急雨。朝迴盡日伴禪師。舊文去歲曾將獻。蒙與人來說始知。

阮籍嘯臺

如聞長嘯春風裏。荆棘叢邊訪舊蹤。地接蘇門山近遠。荒臺突兀抵高峰。

滕按書使院小池一本無上三字

小池誰見鑿時初。走水南來十里餘。樓上日斜吹暮角。院中人出鑊遊魚。

送陝府王一本有建字司馬

司馬雖然聽曉鐘。尙猶高枕恣疏慵。請持僧過三門水。賣藥人歸五老峰。移舫綠萍一作陰深處息。登樓涼夜此時逢。杜陵惆悵臨相一作歧餞。未寢月前多屐一作履蹤。

上谷旋夜

世難那堪恨旅遊。龍鍾更是对窮秋。故園千里數行淚。鄰杵一聲終夜愁。月到寒牕空皎一作暗。晶風翻落葉更颼颼。此心向常人說。倚識平津萬戶侯。

寄無得頭陀

夏臘今應三十餘。不離樹下塚間居。貌堪良匠抽毫寫。行稱高僧續傳書。落澗水聲來遠遠。當空月色自如如。白衣只在青門裏。心每相親迹且疏。

崔卿池上雙白鷺

鷺雛相逐出深籠。頂各有絲莖數同。灑石多霜移足冷。隔城遠樹挂巢空。其如盡在灘聲外。何似雙飛浦色中。見此池塘一作潭。卿自鑿清冷太液底潛通。

送胡道士

短褐身披滿漬一作野。苔靈溪深處觀門開。卻從城裏攜一作移琴去。許到山中寄藥來。臨水一作灑雪。古壇秋醮罷一作後。宿松杉一作幽。查寒。鳥夜一作暮。飛迴丹梯願逐真人上。一作並地空芳想。日夕歸心白髮催。一作師往如雲不可陪。

寄韓潮州愈

此心一作身。曾與木蘭舟。直到天南湖。一作潮。水頭隔嶺篇章來華岳。出關書信過瀧流。峰懸驛路殘雲斷。海浸城根一作閩。老樹秋。一夕瘴煙風卷盡。月明初上浪西樓。

酬張籍王建

疏林荒宅古坡一作坡。前久住還因太守憐。漸老更思深處隱。多閒數得上方眠。鼠拋貧屋收田日。雁度寒

江擬一作撒·雪天·身事一作是·龍鍾應是分·水曹芸閣枉來篇。

逢博陵故人彭兵曹

曲陽分散會京華·見說三年住海涯·別後解餐蓬壘子·向前未識牡丹花·偶逢日者教求祿·終傍泉聲擬置家·踏雪攜琴一作羹·相就宿·夜深開戶斗牛一作月·斜。

贈牛劉山人

二十年中餌茯苓·致書一作身·半是老君經·東都舊住商人宅·南國新修道士亭·鑿石養蜂休買蜜·坐山秤藥不爭星·古來隱者多能卜·欲就先生問丙丁。

送于中丞使回紇册立

君立天驕發使車·册文字字著金書·漸過一作通·青塚鄉山盡·欲達皇情譯語初·調角寒城邊色動·下霜秋磧雁行疏·旌旗來往幾多日·應向途中見歲除。

送劉侍御重使江西

當時苦熱遠行人·石壁飛泉濺馬身·又到鍾陵知務大·還浮滙浦屬秋新·早程猿叫雲深極·宿館禽驚葉動頻·前者已聞廉使薦·兼言有畫靜邊塵。

贈圓上人

誦經千紙得爲僧。麈尾持行不拂蠅。古塔月高聞呪水。新壇日午見燒鐙。一雙童子澆紅藥。百八眞珠貫彩繩。且說近來心裏事。仇讎相對似親朋。

處州李使君改任遂州因寄贈

庭樹幾株陰入戶。主人何在客聞蟬。鎗開原上高樓鑣。瓶汲池東古井泉。趁靜野禽一作因趁曾後到。休吟鄰叟始安眠。仙都山一作水誰能憶。西去風濤書滿船。

酬慈恩寺文郁上人

袈裟影入鏡一作池清。猶憶鄉山近赤城。籬落罇間寒鱗過。莓苔石上晚蛩行。一作期登野閣閒應甚。阻宿幽山一作房疾未平。聞說又尋南岳去。無端詩思忽然生。

訪鑒元師姪

維摩青石講初休。緣訪親宗到普州。我有軍持潑弟子。岳陽溪裏汲寒流。

夜坐

蟋蟀漸多秋不淺。蟾蜍已沒夜應深。三更兩鬢幾枝雪。一念雙峰四祖心。

送別

門外便伸千里別。無車不得到河梁。高樓直上百餘尺。今日爲君南望長。

聞蟬感懷

新蟬忽發最高枝。不覺立聽無限時。正遇友人來告別。一心一作分作兩般悲。

夏夜上谷宿開元寺

詩成一夜月中題。便臥松風到曙雞。帶月時聞山鳥語。郡城知近武陵溪。

送于總持歸京

出家初離一作何方寺。上國西明御水東。卻見舊房塔下樹。別來二十一春風。

崔卿池上鶴

月中時叫葉紛紛。不異洞庭霜夜聞。翎羽如今從放長。一作從今如龍翮。猶能飛起向上孤雲。

田中丞高亭一本題首有登字。

高亭林表迥巖峩。獨坐秋宵不寢一作多。玉兔一作玉人歌裏出。白雲雖是一作雜似。一作誰似。一作雖白。莫相和。

友人婚楊氏催裝

不知今夕是何夕。催促陽臺近鏡臺。誰道芙蓉水中種。青銅鏡裏一枝開。

酬朱侍御望月見寄

他寢一作今此時吾不寢。近秋三五月一作逢晴一作晴。相思唯有霜臺月。望盡孤光見卻生。一作遲。

題韋雲叟草堂

新起此一作北堂開北牕。當牕山隔一重江。白茅草苦一作苦重重密。愛殺一作此秋天夜雨淙。

和韓吏部汎南溪

溪裏晚從池岸出。石泉秋急夜深聞。木蘭船共山人上。月映渡頭零落雲。

方鏡

背如刀截機頭錦。面似升量澗底泉。銅雀臺南秋日得一作後。照來照去已三年。

酬姚合

黍穗豆苗侵古道。晴原午後早秋時。故人相憶僧一作曾來說。楊柳無風蟬滿枝。

送靈應上人

徧參尊宿遊方久。名岳奇峰問此公。五月半間看瀑布。青城山裏白雲中。

贈邱先生

常言吃藥全勝飯。華岳松邊采茯苓。不遣髭鬚一莖白。擬爲白日上昇人。

渡桑乾

客舍并州已十霜。歸心日夜憶咸陽。無端更渡桑乾水。卻望并州是故鄉。

夜期嘯客不至一作期呂逸人不至·一作夜期嘯客呂逸人不至·

逸人期宿石牀中·遣我開扉對晚空·不知何處嘯秋月·閒著一作閑·松門一夜風·

夜集烏行中所居

環鑪促席復持杯·松院雙扉向月開·坐上同聲半先達·名山獨入此心來·

贈梁浦秀才斑竹拄杖

揀得林中最細枝·結根石上長身遲·莫嫌滴瀝紅斑少·恰似一作是·湘妃淚盡時·

尋石鑿寺上方

野寺入時春雪後·崎嶇得到此房前·老僧不出迎朝客·已住上方三十年·

長江集卷十

早秋寄題天竺靈隱寺

峰前峰後寺新秋。絕頂高牕見沃州。人在定中聞蟋蟀。鶴從一作樓處挂獼猴。山鐘夜度空江水。汀月寒生古石樓。心憶懸一作帆身未遂。謝公此地昔年遊。

黎陽寄姚合

魏都城裏遊從一作會。熟才子齋中止泊多。去日綠楊垂紫陌。歸時白草夾一作映。黃河新詩不覺千迴詠。古鏡重一作經幾度磨。惆悵心思滑臺北。滿杯濃酒與愁和。

送崔約秀才

歸甯髻髻三千里。月向船牕見幾宵。野鼠獨偷高樹果。前山漸見短禾苗。更深柵籬淮波疾。葦動風生雨氣遙。重入石頭城下寺。南朝杉老未乾焦。

詠懷

縱把書看未省勤。一生生計祇長貧。可能在世無成事。不覺離家作老人。中岳深林秋獨往。南原多草夜無鄰。經年抱疾誰來問。野鳥相過啄木頻。

夏日寄高洗馬

三十年來長在客，兩三行淚忽然垂。白衣蒼鬢經過懶，赤日朱門偃息遲。花發應耽新熟酒，草顛還寫早朝詩。不緣馬死西州去，畫角堪聽是曉吹。

送周判官元範赴越

原下相逢便別離，蟬鳴關路使迴時。過淮漸有懸帆興，到越應將墜葉期。城上秋山生菊早，驛西寒渡落潮遲。已曾幾徧隨旌旆，去謁荒郊一作大禹祠。

送羅少府歸牛渚

作尉長安始三日，一作三月罷。忽思牛渚夢天台。楚山遠色獨歸去，滲水空流相送迴。霜覆鶴身松子落，月分螢影石房開。白雲多處應頻到，寒澗泠泠漱一作古苔。

題童真上人

江上修持積歲年，灘聲未擬住潺湲。誓從五十身披衲，便向三千界坐禪。月峽青城那有滯，天台廬岳豈無緣。昨宵忽夢遊滄海，萬里波濤在目前。

贈溫觀主

一別羅浮竟未還，觀深廊古院多關。君來幾日行虛洞，仙去空壇在遠山。胎息存思當黑處，并華懸綆取

朝間。敵廬道室雖鄰近。自樂冬陽炙背閒。

上邢甯邢司徒

箭頭破牯渾一作無敵。杖底敲毬遠有聲。馬走千驍朝萬乘。地分三郡擁雙旌。春風欲盡山花發。曉角初吹客夢驚。不是邢公來鎮此。長安西北未能行。

賀龐少尹除太常少卿

太白山入終日見。十旬假滿擬秋尋。中峰絕頂非無路。北闕除書阻一作入林。朝謁此時閒野屐。宿齋何處正一作鳴砧。省中石磴陪隨步。唯賞煙霞不厭深。

欲遊嵩岳留別李少尹益

孤策遲迴洛水湄。孤禽嚙唳一作幸人知。崧岳望中常待我。河梁欲上未題詩。新秋愛月愁多雨。古觀逢一作仙看盡棋。微眇此來將敢問。鳳皇何日定一作歸池。

病鶻吟

俊鳥還投高處棲。騰身戛戛下雲梯。有時透露凌空去。無事隨風入草迷。迅疾月邊捎玉兔。遲迴日裏拂金雞。不緣毛羽遭零落。焉肯雄心向爾低。

贈僧

從來多一作是遊山水。省泊禪舟月下濤。初過石橋年尚少。久辭天柱臘應高。青松帶雪懸銅錫。白髮如霜落鐵刀。常恐畫工一作懸一作筆寫。身長七尺有眉毫。

贈一本有某字翰林

清重無一作過知內制。從前禮絕外庭人。看花在處多隨駕。召燕無時不及身。馬自賜來騎覺穩。詩緣見徹語長新。應憐獨向名場苦。曾十餘年浪過一作春。

頌德上賈常侍

邊臣說使朝天子。發語轟然激夏雷。高節羽書期獨傳。分符絳郡滯長才。啁啾鳥恐鷹鷂起。流散人歸父母來。自顧此身無所立。恭談祖德朵頤開。

田將軍書院

滿庭花木半新栽。石自平湖遠岸來。筍迸鄰家還長竹。地經山雨幾層苔。井當深夜泉微上。閣入高秋戶盡開。行背曲江誰到此。琴書饒著未朝迴。

投龐少尹

閉戶息機搔白首。中庭一樹有清陰。年年不改風塵趣。日日轉多泉石心。病起望山臺上立。覺來聽雨榻前吟。龐公相識元和歲。眷分依依直至今。

夏夜登南樓

水岸寒一作樓帶月躋。夏林初見岳陽溪。一點新螢報秋信。不知何處一作樹是菩提。

題青龍寺

礪石山人一軸詩。終南山北數人知。擬看青龍寺裏月。待無一點夜雲時。

贈李文通

營當萬勝岡頭下。誓立千年不朽功。天子手擎新鉞斧。諫官請贈李文通。

題虢州三堂贈吳郎中一作題虢州吳郎中三堂

無窮草樹昔誰栽。新起臨湖白石臺。半岸泥沙孤鶴立。三堂風雨四門開。荷翻圓一作露露驚秋近。柳轉斜

陽過水來。昨夜北樓堪朗詠。虢城初鑠月徘徊。

送僧

池上時時松雪落。焚香煙起見孤鏡。靜夜憶誰來對坐。曲江南岸寺中僧。

三月晦日贈劉評事

三月正一作更當三十日。風一作春光別我苦吟身。共君今夜不須睡。一作未到曉鐘猶更遠是春。

送張道者

新歲抱琴何處去。洛陽三十六峰西。生來未識山人面。不得一聽烏夜啼。

題魚尊師院

老子堂前花萬樹。先生曾見幾迴春。夜煎白石平明喫。不擬教人哭此身。

宿村家亭子

一作宿杜司空東亭。作題杜司戶亭子。

牀頭枕是溪中石。井底泉通竹下池。宿客未眠過夜半。一作當半夜。獨聞山雨到來時。

送稱上人

歸蜀擬從巫峽過。何時得入舊房禪。寺中來後誰身化。起塔栽松向野田。

楊祕書新居

城角新居鄰靜寺。時從新閣上經樓。南山泉入宮中去。先向詩人門外流。

聽樂山人彈易水

朱絲絃底燕泉忽。燕將雲孫白日彈。嬴氏歸山陵已掘。聲聲猶帶髮衝冠。

經蘇秦墓

沙埋古冢折碑文。六國興亡事繫一作計。君。今日淒涼無處說。亂山秋盡有寒雲。

題戴勝

星點花冠道士衣。紫陽宮女化身飛。能傳上界春消息。若到蓬山莫放歸。

題隱者居

雖有柴門長不關。片雲孤木伴身閒。猶嫌住久人知處。見擬移家更上山。

哭孟東野

蘭無香氣鶴無聲。哭盡秋天月不明。自從東野先生死。側近雲山得散行。

過京索先生墳

京索先生三尺墳。秋風漠漠吐寒雲。從來有恨君多哭。今日何人更哭君。

客思

促織聲尖尖似鍼。更深刻著旅人心。獨言獨語月明裏。驚覺眠童與宿禽。

鹽池院觀鹿

條峰五老勢相連。此鹿來從若箇邊。別有野麋人不見。一生長飲白雲泉。

閩仙詩附集

黃鵠下太液池

高飛空外鵠。下向禁中池。岸印行蹤淺。波搖立影危。來從千里鳥。舞拂萬年枝。踉蹌孤風起。飄回水沫移。幽音清露滴。野性白雲隨。太液無彈射。靈禽翅不垂。

代舊將

舊事說如夢。誰當信老夫。戰場幾處在。部曲一人無。落日收病_{一作}馬。晴天曬陣圖。猶希聖朝用。自鑷白髭鬚。

老將

膽壯亂鬚白。金瘡蠹百骸。旌旗猶入夢。歌舞不開懷。燕雀來鷹架。塵埃滿箭韋。自誇勳業重。開府是官階。春行

題鄭常侍廳前竹

去去行人遠。塵隨馬不窮。旅情斜日後。春色早煙中。流水穿空館。閑花發故宮。舊鄉千里思。池上綠楊風。綠竹臨詩酒。嬋娟思不窮。亂枝低積雪。繁葉亞寒風。蕭颯疑泉過。縈迴有逕通。侵庭根出土。隔壁筍成叢。疏影紗窗外。清音寶瑟中。卷簾終日看。欹枕幾秋同。萬頃歌王子。千竿伴阮公。露光憐片片。雨潤愛濛濛。

嶼谷蠻湖北。湘川瀟水東。何如軒檻側。蒼翠覆長空。

早行

早起赴前程。鄰雞尙未鳴。主人燈下別。羸馬暗中行。踢石新霜滑。穿林宿鳥驚。遠山鐘動後。曙色漸分明。

送人南歸

分手向天涯。迢迢泛海波。雖然南地遠。見說北人多。山暖花常發。秋深鴈不過。炎方饒勝事。此去莫蹉跎。

送人南遊

此別天涯遠。遠舟泛海中。夜行常認火。帆去每因風。蠻國人多富。炎方語不同。鴈飛難度嶺。書信若爲通。

送道者

獨向山中見。今朝又別離。一心無挂住。萬里獨何之。到處絕煙火。逢人話古時。此行無弟子。白犬自相隨。

風蟬

風蟬旦夕鳴。伴葉送新聲。故里客歸盡。水邊身獨行。噪軒高樹合。驚枕暮山橫。聽處無人見。塵埃滿甌生。

清明日園林寄友人

今日清明節。園林勝事偏。晴風吹柳絮。新火起廚煙。杜草開三逕。文章憶二賢。幾時能命駕。對酒落花前。

上杜駙馬

玉山突兀壓乾坤。出得朱門入戟門。妻是九重天子女。身爲一品令公孫。鴛鴦殿裏參皇后。龍鳳堂前賀至尊。今日灋陽非久駐。位爲霖雨拜新恩。

蓮峰歌

錦礫潺湲玉溪水。曉來微雨藤花紫。冉冉山雞紅尾長。一聲樵斧驚飛起。松刺梳空石差一作室。蘆煙香一作。空風軟人參蕊。陽崖一夢伴雲根。仙菌靈芝夢魂裏。

壯士吟

壯士不曾悲。悲一作去。卽無回期。如何易水上。未歌先淚垂。

題興化園亭

破卻千家作一池。不栽桃李種薔薇。薔薇花落秋風起。荆棘滿庭君始知。

竹

籬外清陰接藥欄。曉風交戛碧琅玕。子猷沒後知音少。粉節霜筠漫歲寒。

李斯井

井存上蔡南門外。置此井時來相秦。斷綆數尋垂古甃。取將寒水是何人。

題詩後

鳥吟成獨行潭底影。數息樹邊身。二句下註此一絕。

二句三年得一吟雙淚流。知音如不賞，歸臥故山秋。

送友人之南陵

莫歎徒勞向宦途，不羣氣岸有誰如。南陵暫掌仇香印，北闕終行賈誼書。好趁江山尋勝境，莫辭章杜別幽居。少年躍馬同心使，免得詩中道跨驢。

尋人不遇一作寄人

聞說到揚州，吹簫有舊游。人來多不見，莫是上迷樓。

尋隱者不遇一作孫革訪羊尊師詩

松下問童子，言師採藥去。只在此山中，雲深不知處。

行次漢上

習家池沼草萋萋，嵐樹光中信馬蹏。漢主廟前湘水碧，一聲風角夕陽低。

馬嵬

長川幾處樹青青，孤驛危樓對翠屏。一自上皇惆悵後，至今來往馬蹏腥。

冬夜送人

平明走馬上村橋，花落梅溪雪未消。日短天寒愁送客，楚山無限路迢迢。

東方圖書館重慶分館



分類號數... 卅 81.2.42
1027

登錄號數... 工 0672

中華民國二十九年十一月初版

(87322)

☆ 國學基
本叢書 長江集附闋一冊

每冊實價國幣叁角

外埠酌加運費匯費

著 者 賈 島

發 行 人 王 雲 五
長沙南正路

印 刷 所 商 務 印 書 館

發 行 所 各 埠 商 務 印 書 館

(本書校對者董振福)

22

16 8027

